



REPUBLIKA E SHQIPËRISË
KOMISIONI I PROKURIMIT PUBLIK

Nr. 2573/2 prot.,

Datë 24.10.2023

**FORMULAR PËR PUBLIKIM LIDHUR ME ARSYET E SKUALIFIKIMIT TË
PERATORIT EKONOMIK ANKIMUES DHE PRETENDIMET MBI SKUALIFIKIMIN E
OFERTUESVE TË TJERË**

Objekt:

Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga BOE “LAND ART SHPK & MALVIN SHPK” në procedurën e prokurimit “Procedurë e Hapur”, me Nr. REF-78519-08-29-2023, me objekt: “Mirëmbajtje gjelbërim për 3 vite”, me fond limit 11.865.651 lekë pa TVSH zhvilluar më datë 21.09.2023 nga autoriteti kontraktor, Autoriteti Portual Durrës.

Mbetjen të skualifikuar për arsyet e dhëna nga komisioni i vlerësimit të ofertave dhe shtimin e arsyeve të skualifikimit për ofertat e paraqitura nga operatori ekonomik “A.M.E 2020” SHPK, konkretisht: pikën 2.3.5 “KRITERET E VEÇANTA TË KUALIFIKIMIT” të Shtojcës 8 të dokumentave të tenderit të procedurës së prokurimit objekt ankimi.

Ankimues:

BOE “LAND ART SHPK me NIPT: K11605501C & MALVIN SHPK me NIPT: J76403034Q”

Adresa: Godinë 2-katëshe, ish stacioni Zooteknik, Xhafzotaj, Durrës.

Subjekte të Interesuara:

OE “A.M.E 2020” SHPK, nr NIPT: K83725201G

Adresa: Rruga e Dibrës, Vila nr.153, Kati i Parë, Tiranë.

Autoriteti Kontraktor:

Autoriteti Portual Durrës

Adresa: Lagja 1, Rruga Tregtare, Durrës

Në datën 23.10.2023 pranë Komisionit të Prokurimit Publik, është paraqitur në mënyrë shkresore ankesa me nr. 2573, protokolluar me datë 23.10.2023 e BOE “LAND ART SHPK & MALVIN SHPK” për procedurën e prokurimit “Procedurë e Hapur”, me Nr. REF-78519-08-29-2023, me objekt: “Mirëmbajtje gjelbërim për 3 vite”, me fond limit 11.865.651 lekë pa TVSH zhvilluar më datë 21.09.2023 nga autoriteti kontraktor, Autoriteti Portual Durrës.

Nga shqyrtimi paraprak i ankesës të sipërcituar, konstatohet se objekti i ankesës lidhet me kundërshtimin e vendimit të Komisionit të Vlerësimit të Ofertave mbi skualifikimin e ofertës të paraqitur nga BOE “LAND ART SHPK & MALVIN SHPK”.

Gjithashtu BOE “LAND ART SHPK & MALVIN SHPK”, kërkon mbetjen të skualifikuar për arsyet e dhëna nga komisioni i vlerësimit të ofertave dhe shtimin e arsyeve të skualifikimit për ofertat e paraqitura e nga nga operatori ekonomik “A.M.E 2020” SHPK, pasi nuk ka plotësuar kriterin e veçantë të kualifikimit, konkretisht: pikën pikën 2.3.5 “KRITERET E VEÇANTA TË KUALIFIKIMIT” të Shtojcës 8 të dokumentave të tenderit të procedurës së prokurimit objekt ankimimi..

Bazuar në nenin 112 pika 4 gërma “b” dhe “c” të ligjit nr. 162/2020 “Për prokurimin publik”, ku parashikohet se: *“Në mënyrë që ankesa të bëhet e aksesueshme jo vetëm nga autoriteti ose enti kontraktor, por njëkohësisht edhe nga operatorët ekonomikë të interesuar, KPP-ja publikon: a) ankesën e plotë në rastin e ankesave për dokumentet e tenderit; b) arsyet e skualifikimit në rastin e ankesave për vendimin e vlerësimit/klasifikimit përfundimtar; c) pretendimet mbi kualifikimin/skualifikimin e ofertuesve të tjerë duke referuar vetëm kriteret për të cilat ngrihen pretendime.”*

Sa më sipër, Komisioni i Prokurimit Publik do të publikojë arsyen e skualifikimit të BOE “LAND ART SHPK & MALVIN SHPK”, e cila kundërshtohet në ankesën me nr. 2573 protokoli, datë 23.10.2023.

Konkretisht në ankesë ngrihen pretendime mbi arsyen e skualifikimit si më poshtë vijon:

Arsyet e skualifikimit:

“Sipas pikës 2.3.9 të DST-ve operatori ekonomik pjësmarrës duhet të paraqesë dëshmi për mjetet e pajisjet teknike, që ka apo mund ti vihen në dispozicion, të cilat nevojiten për ekzekutimin e kontratës. Operatorit ekonomik duhet të ketë në pronësi ose me qira një autobot uji. OE ka vetëdeklaruar në formularin sipas shtojcës 9 si autobot uji mjetin me targë SH4785E. Gjatë verifikimit të dokumentacionit fizik të dorëzuar, u konstatua se, mjeti me targë SH4785E ka të bashkëngjitur leje qarkullimi, çertifikatë të kontrollit teknik, policë siguracioni, çertifikatë regjistrimi në QKB dhe 2(dy) foto. Nga fotot vihet re se mjeti nuk është autobot uji dhe figuron në lejen e qarkullit me kodin B2. Sipas tabelës për format e karrocërve të mjeteve të transportit rrugor të miratuar nga DPSHTRR-ja në përputhje me Rregulloren e BE 2018/858, kodi B2 i korrespondon automjeteve për transport të përzier me karroceri të hapur. Për rrjedhojë, rezulton

se nga ana e operatorit ekonomik nuk plotësohen të gjitha kriteret e përcaktuara në dokumentat e tenderit dhe në vijim KVO vendosi të Skualifikojë BOE “Land Art” SHPK dhe “MALVIN” SHPK”.

Gjithashtu Komisioni i Prokurimit Publik publikon kriteret të cilat BOE “LAND ART SHPK & MALVIN SHPK”, pretendon se nuk përmbushen nga operatori ekonomik “A.M.E 2020” SHPK pjesmarrës në procedurë.

Konkretisht në ankesë ngrihen pretendime për mospërmbushje nga ana e operatorit ekonomik “A.M.E 2020” SHPK, pjesmarrës në procedurë të kriterëve kualifikues si më poshtë vijon:

“2.3 Kapaciteti teknik:

2.3.5. *Operatori Ekonomik pjesmarres duhet të ketë ne stafin teknik te tij: 1 (një) Specialist për mbrojtjen e bimëve, 1 (një) Arkitekt pejsazhi, që do të vërtetohet me paraqitjen e:*

- *Kontratës së punes me kohë plotë, CV-së dhe diplomës përkatëse.”*

Publikuar në rregjistrin e ankesave më datë 24.10.2023.

KOMISIONI I PROKURIMIT PUBLIK

Nënkryetar
Fiorent Zguro

Anëtar
Kreshnik Ternova

Kryetar
Jonaïd Myzyri